



Broj: 01-04-2469/25-AP-4
Datum: 27.11.2025. godine

ZAPISNIK (IZVOD)

sa 12. sjednice Gradskog vijeća Zavidovići koja je održana, dana 27.11.2025. godine (četvrtak) sa početkom u 15:00 sati u Velikoj sali zgrade gradskih organa Grada Zavidovići.

Sjednici Gradskog vijeća prisustvovalo je 29 vijećnika: Avdičević Zahid, Avdičević Amer, Bašić Mirela, Čosić Omer, Dendić Sanela, Delić Elvira, Džindo Asim, Fejzić Rijad, Hadžić Amira, Huskić Elvedin, Huskić Hasib, Ikanović Dževad, Javrić Bajro, Karajbić Anes, Pašić Indira, Sanel Jalmanović, Sinanović Asim, Skejić Šemsudin, Šimšić Igor, Tursić Amir, Indira Halilčević, Admir Fojnica, Haris Hodžić, Amir Mehić, Amra Jupić, Semir Šehić sjednici se priključio u 15:11 sati, Buljubašić Demir sjednici se priključio u 15:11 sati, Polić Ajdin sjednici se priključio u 15:32 sati, Sinanović Azra sjednici se priključila u 15:44 sati.

Ostali prisutni: Erna Merdić Smailhodžić – gradonačelnica Grada Zavidovići, Sekretar Gradskog vijeća – Samira Pinjić, Sekretar gradskog organa državne službe - Nermin Čahtarević, Midhat Bajramović – pomoćnik gradonačelnika Službe za upravu finansija, budžet i trezor, Amira Tadić – šef odsjeka Službe za upravu finansija, budžet i trezor, Jasmin Mahmutović – pomoćnik gradonačelnika Službe za upravu društvenih djelatnosti, pitanja boraca i opću upravu, Izet Bašić – pomoćnik gradonačelnika Službe za upravu civilne zaštite, Sunija Ramić – pomoćnik gradonačelnika Službe za internu reviziju.

Zapisnik i ostale administrativno tehničke poslove obavljali – Dženan Ćatić – lice na stručnom osposobljavanju u službama za upravu i posebnim službama Grada Zavidovići i Vanesa Sačić – viši referent Stručne službe Gradskog vijeća.

Poslove videosnimanja i livestreama vršio državni službenik Irnes Avdić - Stručni saradnik za informatiku, poslove administratora i računarske mreže, Stručna služba gradonačelnika.

Ispred sredstava informisanja sjednici prisustvovali: Željko Šlipogor - „Radio 1503 Zavidovići“ d.o.o. Zavidovići.

Na osnovu člana 81. Poslovnika o radu Gradskog vijeća Zavidovići, predsjedavajuća Gradskog vijeća predlaže verifikaciju Zapisnika (Izvod) sa 11. sjednice Gradskog vijeća održane dana 30.10.2025. godine, te poziva vijećnike da ulože primjedbe na Zapisnik, ako iste postoje.

Predsjedavajuće daje Zapisnik na glasanje.

Nakon provedenog glasanja predsjedavajuća konstatuje da je Zapisnik sa 11. sjednice Gradskog vijeća sa 26 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

ZAKLJUČAK

1. Gradsko vijeće Zavidovići usvaja Zapisnik (Izvod) sa 11. sjednice Gradskog vijeća Zavidovići, održane dana 30.10.2025. godine, bez primjedbi.

2. Zaključak stupa na snagu odmah.

Na osnovu člana 61. Poslovnika o radu Gradskog vijeća Zavidovići, predsjedavajuća Gradskog vijeća, predložio dnevni red 9. sjednice Gradskog vijeća, kao slijedi:

Dnevni red:

1. Vijećnička pitanja, inicijative i odgovori.

Razmatranje vijećničkih inicijativa:

- a) Inicijativa vijećnika Šemsudina Skejića za donošenje odluke na osnovu koje će mu nadležna Služba za upravu geodetskih, imovinskopravnih poslova i urbanizma dostaviti na uvid dokumentaciju vezanu za izdavanje odobrenja za građenje.
- b) Inicijativa vijećnika Šemsudina Skejića za dostavu informacija o stanju realizacije izrade Urbanističkog plana Grada Zavidovići te razmatranje iste na jednoj od narednih sjednica.
- c) Inicijativa Kluba vijećnika Stranke demokratske akcije za izmjenu Odluke o komunalnim taksama Grada Zavidovići, kojom bi se uveli dodatni osnovi za naplatu komunalne takse, među kojima i komunalne takse za posebne igre na sreću i zabavne igre, po zonama naplate.
- d) Inicijativa Kluba vijećnika Socijaldemokratske partije Bosne i Hercegovine za asfaltiranje pristupnog puta prema igralištu i stadionu MZ „Dubravica“ (od autobusne stanice prema igralištu i stadionu).
- e) Inicijativa Kluba vijećnika Socijaldemokratske partije Bosne i Hercegovine za donošenje Odluke o izgradnji i izgradnja elemenata saobraćajnice (trotoara), dijela ulice „8. marta“ – pristupnog puta objektima Druge osnovne škole, Gradske sportske dvorane i objekata koletivnog stanovanja.
- f) Inicijativa vijećnika Zahida Avdičevića za izgradnju puta Prnjavor - Klek - Mahoje.
- g) Inicijativa vijećnika Sanela Jalmanovića za oslobađanje plaćanje naknade zakupa stambenog prostora za socijalno - ugrožene građane.
- h) Inicijativa vijećnika Šemsudina Skejića za donošenje Odluke o izradi izvještaja o stanju bespravnog zauzimanja površina koje pripadaju obalnim i putnim pojasevima na području Grada Zavidovići.
- i) Inicijativa vijećnika Šemsudina Skejića za donošenje Odluke o nužnoj sanaciji zapuštenih zemljišnih parcela i zapuštenih objekata u centralnom dijelu Grada, Urbane zone 1, 2, 3, 4.

2. Nacrt Budžeta Grada Zavidovići za 2026. godinu.

3. Nacrt Odluke o izvršavanju Budžeta Grada Zavidovići za 2026. godinu.

(izvjestilac po tačkama 2. i 3.): Midhat Bajramović, pomoćnik gradonačelnika Službe za upravu finansija, budžet i trezor)

4. Nacrt odluke o plaćama, dodacima na plaću i naknadama u jedinstvenom organu uprave i drugim organima Grada Zavidovići.

(izvjestilac: Nermin Čahtarević, sekretar gradskog organa državne službe)

Predsjedavajuća daje predoženi dnevni red 12. sjednice Gradskog vijeća na glasanje.

Nakon provedenog glasanja predsjedavajuća konstatuje da je dnevni red 12. sjednice Gradskog vijeća sa 26 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

Rad po dnevnom redu

Ad.1 Vijećnička pitanja, inicijative i odgovori.

Asim Džindo

PREDMET: Vijećnička inicijativa

„Na osnovu člana 109. Poslovnika o radu Gradskog vijeća Zavidovići, podnosim inicijativu da se Policijskoj stanici Zavidovići omogući pristup postojećem sistemu video-nadzora u pothodniku između ulice Stjepana Radića i Maršala Tita.

Obrazloženje:

U odgovoru Policijske stanice Zavidovići navedeno je da u službenim evidencijama nema prijavljenih slučajeva narušavanja javnog reda i mira na ovom području, ali da PS Zavidovići trenutno nema tehnički pristup postojećem sistemu video-nadzora.

Kako bi se poboljšala sigurnost građana i omogućilo blagovremeno reagovanje u slučaju potrebe, potrebno je omogućiti direktan pristup policijskim službenicima nadzornim kamerama koje su već instalirane.

Prijedlog mjere: Grad Zavidovići da, u saradnji s nadležnom službom i PS Zavidovići, tehnički omogući pristup kamerama u skladu sa propisima o zaštiti podataka.“

Asim Džindo

PREDMET: Vijećničko pitanje br.1

„Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje:

Zbog čega do danas nije započeta realizacija izgradnje kanalizacione mreže na području MZ Dubravica, iako je inicijativa usvojena na Gradskom vijeću, sredstva za ovu namjenu predviđena u budžetu Grada, a gradonačelnica javno obećala realizaciju ovog projekta u 2025. godini?

Molim da mi se dostavi jasan, pisani odgovor, sa navođenjem razloga zasto projekat nije realizovan, te preciznom dinamikom i rokom kada će izgradnja kanalizacione mreže u MZ Dubravica biti započeta.

Vijećničko pitanje upućuje se gradonačelnici Grada Zavidovići.“

Asim Džindo

PREDMET: Vijećničko pitanje br.2

„Ja sam prošle godine u Nacrtu Budžeta govorio da stipendije treba povećati, rekli ste da ne treba, ali smo također govorili da treba odluku povećati o iznosu stipendija. Ove godine je deset studenata dobilo stipendiju na području našeg Grada, a u Budžetu je planirano 14000 maraka. Pa me zanima da li će svi dobiti po 1400 maraka, ili će biti neka stara praksa od bivšeg gradonačelnika, da bez obzira koliko studenata dobije, dobiju neki minimalan iznos. Zanima me da li ćete dati puni iznos stipendija?“

Asim Džindo

PREDMET: Vijećničko pitanje br.3

„Pitanje za Službu. Ja sam na desetoj sjednici podnio inicijativu vezano za studente također, koji putuju i za autobuse. To je trebalo biti na transferu u Budžetu za narednu godinu. Pa me zanima zbog čega se ta inicijativa nije našla na ovoj sjednici, da li sa nekom posebnom namjerom, s obzirom da su prošla dva mjeseca, jer sam je podnio ne na prošloj nego na desetoj sjednici. Zanima me zašto se nije našla na ovoj sjednici.“

Šemsudin Skejić

PREDMET: Vijećničko pitanje

„Nepropisno zaustavljanje i parkiranje na autobuskim stajalištima u ulicama „Zlatnih Ljiljana“ i „dr. Pinkasa Banta“.

Molim nadležnu gradsku službu da u skladu sa ovlaštenjima, a u saradnji sa nadležnim ministarstvom za Promet i komunikacije i PU Zavidovići kao i federalnom direkcijom za ceste, razmotri mogućnosti zabrane nepropisnog zaustavljanja i parkiranja na autobuskim stajalištima na magistralnoj cesti u ulicama Zlatnih Ljiljana i dr. Pinkasa Banta.

Saobraćajni prekršaji na tim lokalitetima su tako učestali da i sami učesnici u saobraćaju smatraju da je normalno parkirati se ili zaustaviti na autobuskim stajalištima sa jasnim znakom zabrane.

Molim Gradonačelnicu da u saradnji sa nadležnim institucijama razmotri mogućnosti rješavanja evidentnog problema, a da pri tome novonastale eventualne neugodnosti za građane i privredne subjekte budu što manje.

Vjerujem da bolje rješenje postoji i da ćemo ga naći.“

Šemsudin Skejić

PREDMET: Vijećnička inicijativa

„Na osnovu člana 8. i člana 109. Poslovnika o radu Gradskog vijeća („Sl. glasnik Grada Zavidovići“, broj: 07/2022 i 1/23), podnosim: Vijećničku inicijativu za donošenje odluke o izradi liste prioriteta realizacije infrastrukturnih projekata u 2026. godini

Obrazloženje

Realizacija infrastrukturnih projekata i to:

- projekata putne infrastrukture,
 - projekata vodovoda,
 - projekata rasvjete,
 - projekata kanalizacije i slično,
- odvija se bez kriterija bez lista prioriteta.

Protekcionizam je glavni kriterij u izboru projekata koji se realizuju.

Izrada lista prioriteta i primjena istih obezbijedila bi da se rade najvažniji projekti, vratila bi povjerenje vijećnika i građana u pravednost u radu Nadležnih službi i Gradonačelnice.

Vijećničke inicijative u slučaju poštovanja kriterija i prioriteta neće imati smisla i ostalo bi više vremena za druge tačke dnevnog reda. Zbog svega navedenog tražim da se donese odluka na osnovu koje će Gradonačelnica sa nadležnim službama sačiniti listu prioriteta sa nazivima projekata koji će biti rješavani tokom 2026. godine. Sve drugo se svodi na protekcionizam, populizam, nepovjerenje i konfrontacije.“

Sanel Jalmanović

PREDMET: Vijećničko pitanje

„Na osnovu člana 8 i 87 Poslovnika o radu Gradskog vijeća Zavidovići, kao vijećnik Gradskog vijeća za današnju sjednicu postavljam vijećničko pitanje:

S obzirom da nam se približava zimski period, zanima me koje su preventivne mjere nadležnih službi u pogledu čišćenja i održavanja riječnih korita, kako bi se smanjio rizik od poplava usljed naglog otapanja snijega?

Da li nadležna služba ima informaciju o trenutnom stanju riječnih korita, da li su urađene potrebne intervencije prije zimskog perioda, te da li je Grad izradio ili ažurirao plan upravljanja rizicima od poplava za sezonu 2025/26., posebno uzimajući u obzir sve učestalije nagle poraste vodostaja?

Molim za pismeni odgovor.“

Sanel Jalmanović

PREDMET: Vijećnička inicijativa

„Na osnovu člana 109. Poslovnika o radu Gradskog vijeća Zavidovići, podnosim Inicijativu - Problematika učestalih nestanaka električne energije u Gostovićkom slivu i okolnim naseljima.

Obrazloženje:

Moja današnja Inicijativa se odnosi na problematiku učestalih nestanaka električne energije u Gostovićkom slivu i okolnih naselja.

S obzirom da se mještani područja ovog kraja posljednjih godina suočavaju sa sve češćim i dugotrajnijim nestancima električne energije, naročito sa dolaskom zimskog perioda, to im predstavlja ozbiljan problem za obavljanje njihovih svakodnevnih aktivnosti.

Shodno navedenom, podnosim vijećničku inicijativu kojom tražim hitno djelovanje nadležnih institucija i preduzeća.

-Da Grad Zavidovići uputi zvaničan zahtjev Elektro distribuciji /organizacijska jedinica koja pokriva područje Zavidovića, radi dostavljanja izvještaja o stanju mreže, uzrocima prekida i planiranim intervencijama. |

-Da se zahtijeva hitan nadzor i tehnički pregled elektroenergetske infrastrukture na kritičnim dionicama.

-Da nadležne službe izrade procjenu rizika za zimski period i organizuju dodatne interventne ekipe.

Uzimajući u obzir činjenicu da stabilno napajanje električnom energijom predstavlja osnovnu životnu potrebu svakog pojedinca, smatram da je neophodno da se ova problematika sistemski riješi.“

Asim Sinanović

PREDMET: Vijećnička inicijativa

„Na osnovu člana 23. Statuta Grada Zavidovići (Sl. Glasnik Grada Zavidovići, broj 5/2008) i člana 8, 13 i 109. Poslovnika o radu Gradskog vijeća Zavidovići (Sl. Glasnik Grada Zavidovići, broj 7/2004), podnosimo:

INICIJATIVU Za ukidanje nadoknade od jedne konvertibilne marke, koju građani plaćaju za svaki lijek sa esencijalne liste

Obrazloženje

Trenutna praksa na području našeg Kantona naplaćivanja nadoknade od 1 KM po izdatom lijeku sa esencijalne liste, predstavlja dodatno finansijsko opterećenje za građane, naročito za penzionere, hronične bolesnike i socijalno ugrožene kategorije stanovništva, koji su često primorani redovno koristiti više lijekova.

Esencijalna lista lijekova je kreirana s ciljem osiguranja dostupnosti osnovnih i najpotrebnijih lijekova svim građanima i trebaju se dobiti bez ikakve nadoknade.

Budući da ukidanje ove nadoknade nije u nadležnosti vlasti na nivou lokalne samouprave, to vas molimo da ovu našu Inicijativu razmotrite i u interesu građana prosljedite Kantonalnoj skupštini ZE-DO Kantona na dalje postupanje.“

Igor Šimšić

PREDMET: Vijećničko pitanje

Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam vijećničko pitanje koje se tiče potrebe informisanja o statusu infrastrukturnog projekta Rekonstrukcije i izgradnje mosta u Mjesnoj zajednici Maoča preko rijeke Krivaje?

Obrazloženje vijećničkog pitanja:

Na zahtjev građana nadležnim organima Gradske uprave postavljam vijećničko pitanje, uz zahtjev za dostavljenjem jasnih, tačnih i konkretnih odgovora koji će nas gradske vijećnike i građane naše lokalne zajednice informisati o aktivnostima koje se poduzimaju na infrastrukturnom projektu, Rekonstrukciji i izgradnji mosta u MZ Maoča preko rijeke Krivaje koji povezuje naseljena mjesta Ivanovići, Dištica i Borikovica. Projektu za koji su obezbijedena znatna novčana sredstva od strane Vlade Federacije BiH preko njenih resornih ministarstava, u više navrata i u proteklom ne bliskom periodu. Na lokalitetu i predmetu rekonstrukcije i izgradnje, činjenično, ne izvode se nikakvi radovi, naprotiv, funkcionalnost, sigurnost i vizuelnost mosta je još više pogoršana i prijete neželjenim posljedicama. Preciznije, da li se poduzimaju bilo kakve aktivnosti na realizaciji ovog projekta ili ne, ako da u kojoj su fazi aktivnosti, ako ne zašto i koji su razlozi za nedjelovanjem, da li postoji eventualni problemi ili prepreke i kada su terminološki planirani konkretni početci i završetci radova? Pitanje se upućuje Gradonačelnici i nadležnoj/nadležnim gradskim službama. Odgovor na pitanje pored usmenog, dostaviti i u pisanoj formi.“

Zahid Avdičević

PREDMET: Vijećnička inicijativa br.1

„Na osnovu clana 109.Poslovnika o radu Gradskog vijeca Zavidovici , predlazem sljedecu inicijativu.
Inicijativa se odnosi na IZGRADNJU SPOMEN OBILJEŽJA NA KLEKU Grad Zavidovića. Imajući u vidu da se ovom inicijativom želi ispraviti nepravda prema pripadnicima Armije BiH koji su dali svoje živote u oslobađanju planine Klek kao i daljem oslobodañju našeg Grada od agresora.
Veoma bitna napomena da su oslobađanjem planine Klek stvoreni preduslovi za dalje napredovanje Armije BiH i oslobađanje doline Gostovića a kasnije i same doline rijeke Krivaje i Vozuće.
Savjet MZ „Kovači“ je već poduzeo određene aktivnosti na tom polju i do kraja ove godine biće riješeno zemljište kao i projektna dokumentacija za spomen obilježje.
Takođe treba napomenuti da je planina Klek uvrštena u obilježavanje značajnih datuma Grada Zavidovića.
Porazna je činjenica kako za MZ „Kovači“ tako i za druge nivoe vlasti Grad, Kanton i Federacija da trenutna spomen ploča koja se nalazi na Kleku je kupljena u privatnoj režiji od sina jednog našeg šehida zlatnog ljiljanja i postavljena na privatnoj zemlji.“

Zahid Avdičević

PREDMET: Vijećnička inicijativa br.2

„Na osnovu clana 109.Poslovnika o radu Gradskog vijeca Zavidovici, predlazem sljedecu inicijativu.
Inicijativa se odnosi na HITNU SANACIJU LOKALNE CESTE ZAVIDOVIĆI GORNJI KOVAČI Grad Zavidovića.
Inicijativa se odnosi na hitnu sanaciju pojedinih dijelova lokalne ceste i to u naseljenim mjestima Stavci i Brijeg.
Ovom inicijativom želim da upozorim gradsku upravu kao i Gradonačelnicu da je na jednoj lokaciji toliko opasno i kritično da skoro nemoguć saobraćaj putnih i teretnih vozila.
Iz gore navedenih razloga podnosim inicijativu za hitnu sanaciju lokalne ceste Zavidovići – Stavci - Gornji Kovači.

Amira Hadžić: “Nemam više prijavljenih vijećnika, da li imamo usmenih odgovora na vijećnička pitanja? Nema, u redu. Prelazimo sada na odgovore na vijećnička pitanja sa 11. sjednice Gradskog vijeca. Gospođo Jupić, da li ste zadovoljni sa odgovorom?”

Amra Jupić: „Ne, imam dopunsko. Prije svega zašto dobijamo odgovore ovako kasno, stvarno nema smisla, da dobijamo pred samu sjednicu, ne možemo stići proučiti, i trebali bi da mi proučavamo odgovore dok naše kolege izlažu svoja pitanja i inicijative. Za odgovor na moje pitanje, ne znam zašto onda građani stalno zovu i pitaju zašto nema signalizacije? “...” Moje dopunsko pitanje glasi, da li su sve ulice u urbanom dijelu Grada, pokrivene neophodnom signalizacijom?”

Amira Hadžić: “Hvala gospođo Jupić. Gospodin Asim Sinanović, da li ste vi zadovoljni odgovorima na Vaša pitanja?”

Asim Sinanović: “Djelimično.”

Amira Hadžić: “Hvala gospodine Sinanoviću, gospođa Azra Sinanović? Trenutno nije tu, dobro. Gospodin Skejić Šemsudin, da li ste zadovoljni odgovorima?”

Šemsudin Skejić: “Da.”

Amira Hadžić: “Hvala gospodine Skejiću. Na zahtjev vijećnika Asima Džinde, pitam ga da li je zadovoljan odgovorom PS Zavidovići na pitanje postavljeno na 9. sjednici Gradskog vijeća?”

Asim Džindo: “Da.”

Amira Hadžić: “Zahvaljujem gospodine Džindo. Prelazimo sada na izjašnjavanje po vijećničkim inicijativama.”

a) Inicijativa vijećnika Šemsudina Skejića za donošenje odluke na osnovu koje će mu nadležna Služba za upravu geodetskih, imovinskopravnih poslova i urbanizma dostaviti na uvid dokumentaciju vezanu za izdavanje odobrenja za građenje.

Predsjedavajuća čita stav Gradonačelnice po inicijativi - Inicijativu ne treba prihvatiti. Šemsudin Skejić obrazlaže inicijativu, te traži izjašnjenje Vijeća.

Predsjedavajuća daje inicijativu na glasanje.

Nakon provedenog glasanja predsjedavajuća konstatuje da inicijativa sa 7 glasova ZA, 13 glasova PROTIV, 8 glasova UZDRŽANO, nije dobila potrebnu većinu, te ista nije usvojena.

ZAKLJUČAK

1. Gradsko vijeće Zavidovići odbija Inicijativu vijećnika Šemsudina Skejića za donošenje odluke na osnovu koje će mu nadležna Služba za upravu geodetskih, imovinskopravnih poslova i urbanizma dostaviti na uvid dokumentaciju vezanu za izdavanje odobrenja za građenje.

2. Zaključak stupa na snagu danom donošenja.

b) Inicijativa vijećnika Šemsudina Skejića za dostavu informacija o stanju realizacije izrade Urbanističkog plana Grada Zavidovići te razmatranje iste na jednoj od narednih sjednica.

Predsjedavajuća čita stav Gradonačelnice po inicijativi - Inicijativu ne treba prihvatiti. Šemsudin Skejić obrazlaže inicijativu, te traži izjašnjenje Vijeća.

Predsjedavajuća daje inicijativu na glasanje.

Nakon provedenog glasanja predsjedavajuća konstatuje da inicijativa sa 7 glasova ZA, 13 glasova PROTIV, 9 glasova UZDRŽANO, nije dobila potrebnu većinu, te ista nije usvojena.

ZAKLJUČAK

1. Gradsko vijeće Zavidovići odbija Inicijativu vijećnika Šemsudina Skejića za dostavu informacija o stanju realizacije izrade Urbanističkog plana Grada Zavidovići te razmatranje iste na jednoj od narednih sjednica.

2. Zaključak stupa na snagu danom donošenja.

c) Inicijativa Kluba vijećnika Stranke demokratske akcije za izmjenu Odluke o komunalnim taksama Grada Zavidovići, kojom bi se uveli dodatni osnovi za naplatu komunalne takse, među kojima i komunalne takse za posebne igre na sreću i zabavne igre, po zonama naplate.

Predsjedavajuća čita stav Gradonačelnice po inicijativi - Inicijativu treba prihvatiti. Predsjedavajuća daje inicijativu na glasanje.

Nakon provedenog glasanja predsjedavajuća konstatuje da je inicijativa sa 28 glasova ZA, 0 glasova PROTIV, 1 glas UZDRŽANO, dobila potrebnu većinu, te je ista usvojena. Semir Šehić – poslovnička intervencija, izražava sumnju u tačnost rezultata glasanja, te traži pojedinačno izjašnjavanje.

Nakon izvršene prozivke i pojedinačnog izjašnjavanja predsjedavajuća konstatuje da je inicijativa sa 29 glasova ZA, 0 glasova PROTIV, 0 glasova UZDRŽANO, dobila potrebnu većinu, te je ista usvojena.

ZAKLJUČAK

1. Gradsko vijeće Zavidovići prihvata Inicijativu Kluba vijećnika Stranke demokratske akcije za izmjenu Odluke o komunalnim taksama Grada Zavidovići, kojom bi se uveli dodatni osnovi za naplatu komunalne takse, među kojima i komunalne takse za posebne igre na sreću i zabavne igre, po zonama naplate.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

d) Inicijativa Kluba vijećnika Socijaldemokratske partije Bosne i Hercegovine Zza asfaltiranje pristupnog puta prema igralištu i stadionu MZ „Dubravica“ (od autobusne stanice prema igralištu i stadionu).

Predsjedavajuća čita stav Gradonačelnice po inicijativi - Inicijativu treba prihvatiti. Predsjedavajuća daje inicijativu na glasanje.

Nakon provedenog glasanja predsjedavajuća konstatuje da je inicijativa sa 29 glasova ZA, 0 glasova PROTIV, 0 glasova UZDRŽANO, dobila potrebnu većinu, te je ista usvojena.

ZAKLJUČAK

1. Gradsko vijeće Zavidovići prihvata Inicijativu Kluba vijećnika Socijaldemokratske partije Bosne i Hercegovine za asfaltiranje pristupnog puta prema igralištu i stadionu MZ „Dubravica“ (od autobusne stanice prema igralištu i stadionu).

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

e) Inicijativa Kluba vijećnika Socijaldemokratske partije Bosne i Hercegovine za donošenje Odluke o izgradnji i izgradnja elemenata saobraćajnice (trotoara), dijela ulice "8. marta" pristupnog puta objektima Druge osnovne škole, Gradske sportske dvorane i objekata kolektivnog stanovanja.

Predsjedavajuća čita stav Gradonačelnice po inicijativi - Inicijativu treba prihvatiti. Predsjedavajuća daje inicijativu na glasanje.

Nakon provedenog glasanja predsjedavajuća konstatuje da je inicijativa sa 29 glasova ZA, 0 glasova PROTIV, 0 glasova UZDRŽANO, dobila potrebnu većinu, te je ista usvojena.

ZAKLJUČAK

1. Gradsko vijeće Zavidovići prihvata Inicijativu Kluba vijećnika Socijaldemokratske partije Bosne i Hercegovine za donošenje Odluke o izgradnji i izgradnja elemenata saobraćajnice (trotoara), dijela ulice „8. marta“ – pristupnog puta objektima Druge osnovne škole, Gradske sportske dvorane i objekata kolektivnog stanovanja.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

f) Inicijativa vijećnika Zahida Avdičevića za izgradnju puta Prnjavor - Klek - Mahoje.

Predsjedavajuća čita stav Gradonačelnice po inicijativi - Inicijativu ne treba prihvatiti.

Zahid Avdičević obrazlaže inicijativu, te traži izjašnjenje Vijeća.

Predsjedavajuća daje inicijativu na glasanje.

Nakon provedenog glasanja predsjedavajuća konstatuje da je inicijativa sa 28 glasova ZA, 0 glasova PROTIV, 1 glas UZDRŽANO, dobila potrebnu većinu, te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Zahida Avdičevića za izgradnju puta Prnjavor - Klek - Mahoje.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

g) Inicijativa vijećnika Sanela Jalmanovića za oslobađanje plaćanje naknade zakupa stambenog prostora za socijalno - ugrožene građane.

Predsjedavajuća čita stav Gradonačelnice po inicijativi - Inicijativu ne treba prihvatiti.

Sanel Jalmanović obrazlaže svoju inicijativu, te istu povlači.

h) Inicijativa vijećnika Šemsudina Skejića za donošenje Odluke o izradi izvještaja o stanju bespravnog zauzimanja površina koje pripadaju obalnim i putnim pojasevima na području Grada Zavidovići.

Predsjedavajuća čita stav Gradonačelnice po inicijativi - Inicijativu treba prihvatiti.

Predsjedavajuća daje inicijativu na glasanje.

Nakon provedenog glasanja predsjedavajuća konstatuje da je inicijativa sa 28 glasova ZA, 0 glasova PROTIV, 0 glasova UZDRŽANO, dobila potrebnu većinu, te je ista usvojena.

Z A K L J U Č A K

1. Gradsko vijeće Zavidovići prihvata Inicijativu vijećnika Šemsudina Skejića za donošenje Odluke o izradi izvještaja o stanju bespravnog zauzimanja površina koje pripadaju obalnim i putnim pojasevima na području Grada Zavidovići.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu poljoprivrede, vodoprivrede i komunalne poslove.

i) Inicijativa vijećnika Šemsudina Skejića za donošenje Odluke o nužnoj sanaciji zapuštenih zemljišnih parcela i zapuštenih objekata u centralnom dijelu Grada, Urbane zone 1, 2, 3, 4.

Predsjedavajuća čita stav Gradonačelnice po inicijativi - Inicijativu ne treba prihvatiti. Šemsudin Skejić obrazlaže inicijativu, te traži izjašnjenje Vijeća.

Predsjedavajuća daje inicijativu na glasanje.

Nakon provedenog glasanja predsjedavajuća konstatuje da inicijativa sa 12 glasova ZA, 1 glas PROTIV, 13 glasova UZDRŽANO, nije dobila potrebnu većinu, te ista nije usvojena.

Z A K L J U Č A K

1. Gradsko vijeće Zavidovići odbija Inicijativu vijećnika Šemsudina Skejića za donošenje Odluke o nužnoj sanaciji zapuštenih zemljišnih parcela i zapuštenih objekata u centralnom dijelu Grada, Urbane zone 1, 2, 3 i 4.

2. Zaključak stupa na snagu danom donošenja.

Ad.2 Nacrt Budžeta Grada Zavidovići za 2026. godinu.

Uvodno izlaganje: Midhat Bajramović.

Rasprava: Sanel Jalmanović, Šemsudin Skejić, Admir Fojnica, Zahid Avdičević, Amra Jupić, Haris Hodžić, Asim Džindo.

Predsjedavajuća predlaže Zaključak:

1. Gradsko vijeće Zavidovići prihvata Nacrt Budžeta Grada Zavidovići za 2026. godinu.

2. Nacrt Budžeta Grada Zavidovići za 2026. godinu, upućuje se na javnu raspravu, koja će se održati u Velikoj sali zgrade gradskih organa Zavidovići, a čiji termin održavanja će utvrditi Služba za upravu finansija, budžet i trezor.

3. Zadužuje se Služba za upravu finansija, budžet i trezor da u periodu od 10 dana, organizuje provođenje javne rasprave putem sredstava javnog informisanja, WEB stranice Grada Zavidovići, udruženja građana, javnih ustanova, mjesnih zajednica i političkih organizacija u kojem će se primati pismeni prijedlozi, mišljenja i sugestije.

4. O rezultatima javne rasprave i pretresu na sjednici Gradskog vijeća Služba za upravu finansija, budžet i trezor dužna je podnijeti izvještaj Gradonačelnici i Gradskom vijeću.

5. Gradonačelnica će prilikom utvrđivanja Prijedloga Budžeta Grada Zavidovići za 2026. godinu, uzeti u obzir primjedbe i mišljenja sadržane u Izvještaju Službe za upravu finansija, budžet i trezor kao i mišljenja i prijedloge iznesene tokom pretresa na Gradskom

vijeću, te će obrazložiti razloge zbog kojih eventualno nije prihvatila pojedine prijedloge i mišljenja koji su izneseni u javnoj raspravi.

6. O realizaciji ovog Zaključka starat će se Služba za upravu finansija, budžet i trezor i Stručna služba Gradskog vijeća.

Predsjedavajuća otvara raspravu po Zaključku.

Rasprava po Zaključku: Bez učesnika u raspravi.

Predsjedavajuća daje Zaključak na glasanje.

Nakon provedenog glasanja predsjedavajuća konstatuje da je Zaključak sa 21 glas ZA, 0 glasova PROTIV, 6 glasova UZDRŽANO, dobio potrebnu većinu, te je isti usvojen.

ZAKLJUČAK

1. Gradsko vijeće Zavidovići prihvata Nacrt Budžeta Grada Zavidovići za 2026. godinu.

2. Nacrt Budžeta Grada Zavidovići za 2026. godinu, upućuje se na javnu raspravu, koja će se održati u Velikoj sali zgrade gradskih organa Zavidovići, a čiji termin održavanja će utvrditi Služba za upravu finansija, budžet i trezor.

3. Zadužuje se Služba za upravu finansija, budžet i trezor da u periodu od 10 dana, organizuje provođenje javne rasprave putem sredstava javnog informisanja, WEB stranice Grada Zavidovići, udruženja građana, javnih ustanova, mjesnih zajednica i političkih organizacija u kojem će se primati pismeni prijedlozi, mišljenja i sugestije.

4. O rezultatima javne rasprave i pretresu na sjednici Gradskog vijeća Služba za upravu finansija, budžet i trezor dužna je podnijeti izvještaj Gradonačelnici i Gradskom vijeću.

5. Gradonačelnica će prilikom utvrđivanja Prijedloga Budžeta Grada Zavidovići za 2026. godinu, uzeti u obzir primjedbe i mišljenja sadržane u Izvještaju Službe za upravu finansija, budžet i trezor kao i mišljenja i prijedloge iznesene tokom pretresa na Gradskom vijeću, te će obrazložiti razloge zbog kojih eventualno nije prihvatila pojedine prijedloge i mišljenja koji su izneseni u javnoj raspravi.

6. O realizaciji ovog Zaključka starat će se Služba za upravu finansija, budžet i trezor i Stručna služba Gradskog vijeća.

Ad.3 Nacrt Odluke o izvršavanju Budžeta Grada Zavidovići za 2026. godinu.

Uvodno izlaganje: Bez uvodnog izlaganja.

Rasprava: Bez učesnika u raspravi.

Predsjedavajuća predlaže Zaključak:

1. Gradsko vijeće Zavidovići prihvata Nacrt Odluke o izvršavanju Budžeta Grada Zavidovići za 2026. godinu.

2. Nacrt Odluke o izvršavanju Budžeta Grada Zavidovići za 2026. godinu, upućuje se na javnu raspravu, koja će se održati u Velikoj sali zgrade gradskih organa Zavidovići, a čiji termin održavanja će utvrditi Služba za upravu finansija, budžet i trezor.

3. Zadužuje se Služba za upravu finansija, budžet i trezor da u periodu od 10 dana, organizuje provođenje javne rasprave putem sredstava javnog informisanja, WEB stranice Grada Zavidovići, udruženja građana, javnih ustanova, mjesnih zajednica i političkih organizacija u kojem će se primati pismeni prijedlozi, mišljenja i sugestije.

4. O rezultatima javne rasprave i pretresu na sjednici Gradskog vijeća Služba za upravu finansija, budžet i trezor dužna je podnijeti izvještaj Gradonačelnici i Gradskom vijeću.

5. Gradonačelnica će prilikom utvrđivanja Prijedloga Odluke o izvršavanju Budžeta Grada Zavidovići za 2026. godinu, uzeti u obzir primjedbe i mišljenja sadržane u Izvještaju Službe za upravu finansija, budžet i trezor kao i mišljenja i prijedloge iznesene tokom pretresa

na Gradskom vijeću, te će obrazložiti razloge zbog kojih eventualno nije prihvatila pojedine prijedloge i mišljenja koji su iznesene u javnoj raspravi.

6. O realizaciji ovog Zaključka starat će se Služba za upravu finansija, budžet i trezor i Stručna služba Gradskog vijeća.

Predsjedavajuća otvara raspravu po Zaključku.

Rasprava po Zaključku: Bez učesnika u raspravi.

Predsjedavajuća daje Zaključak na glasanje.

Nakon provedenog glasanja predsjedavajuća konstatuje da je Zaključak sa 21 glas ZA, 0 glasova PROTIV, 5 glasova UZDRŽANO, dobio potrebnu većinu, te je isti usvojen.

Z A K L J U Č A K

1. Gradsko vijeće Zavidovići prihvata Nacrt Odluke o izvršavanju Budžeta Grada Zavidovići za 2026. godinu.

2. Nacrt Odluke o izvršavanju Budžeta Grada Zavidovići za 2026. godinu, upućuje se na javnu raspravu, koja će se održati u Velikoj sali zgrade gradskih organa Zavidovići, a čiji termin održavanja će utvrditi Služba za upravu finansija, budžet i trezor.

3. Zadužuje se Služba za upravu finansija, budžet i trezor da u periodu od 10 dana, organizuje provođenje javne rasprave putem sredstava javnog informisanja, WEB stranice Grada Zavidovići, udruženja građana, javnih ustanova, mjesnih zajednica i političkih organizacija u kojem će se primati pismeni prijedlozi, mišljenja i sugestije.

4. O rezultatima javne rasprave i pretresu na sjednici Gradskog vijeća Služba za upravu finansija, budžet i trezor dužna je podnijeti izvještaj Gradonačelnica i Gradskom vijeću.

5. Gradonačelnica će prilikom utvrđivanja Prijedloga Odluke o izvršavanju Budžeta Grada Zavidovići za 2026. godinu, uzeti u obzir primjedbe i mišljenja sadržane u Izvještaju Službe za upravu finansija, budžet i trezor kao i mišljenja i prijedloge iznesene tokom pretresa na Gradskom vijeću, te će obrazložiti razloge zbog kojih eventualno nije prihvatila pojedine prijedloge i mišljenja koji su iznesene u javnoj raspravi.

6. O realizaciji ovog Zaključka starat će se Služba za upravu finansija, budžet i trezor i Stručna služba Gradskog vijeća.

Ad.4 Nacrt odluke o plaćama, dodacima na plaću i naknadama u jedinstvenom organu uprave i drugim organima Grada Zavidovići.

Uvodno izlaganje: Nermin Čahtarević.

Rasprava: Sanel Jalmanović, Nermin Čahtarević.

Predsjedavajuća predlaže Zaključak:

1. Gradsko vijeće Zavidovići prihvata Nacrt Odluke o plaćama, dodacima na plaću i naknadama u jedinstvenom organu uprave i drugim organima Grada Zavidovići.

2. Nacrt Odluke o plaćama, dodacima na plaću i naknadama u jedinstvenom organu uprave i drugim organima Grada Zavidovići, upućuje se na javnu raspravu, koja će se održati u Velikoj sali zgrade gradskih organa Zavidovići, a čiji termin održavanja će utvrditi Stručna služba gradonačelnika.

3. Zadužuje se Stručna služba gradonačelnika da u periodu od 10 dana, organizuju provođenje javne rasprave putem sredstava javnog informisanja, WEB stranice Grada Zavidovići, udruženja građana, javnih ustanova, mjesnih zajednica i političkih organizacija u kojem će se primati pismeni prijedlozi, mišljenja i sugestije.

4. O rezultatima javne rasprave i pretresu na sjednici Gradskog vijeća Stručna služba gradonačelnika dužna je podnijeti izvještaj Gradonačelnici i Gradskom vijeću.

5. Gradonačelnica će prilikom utvrđivanja Prijedloga Odluke o plaćama, dodacima na plaću i naknadama u jedinstvenom organu uprave i drugim organima Grada Zavidovići, uzeti u obzir primjedbe i mišljenja sadržane u Izvještaju Stručne službe gradonačelnika kao i mišljenja i prijedloge iznesene tokom pretresa na Gradskom vijeću, te će obrazložiti razloge zbog kojih eventualno nije prihvatila pojedine prijedloge i mišljenja koji su izneseni u javnoj raspravi.

6. O realizaciji ovog Zaključka staraće se Stručna služba gradonačelnika i Stručna služba Gradskog vijeća.

Predsjedavajuća otvara raspravu po Zaključku.

Rasprava po Zaključku: Bez učesnika u raspravi.

Predsjedavajuća daje Zaključak na glasanje.

Nakon provedenog glasanja predsjedavajuća konstatuje da je Zaključak sa 28 glasova ZA, 0 glasova PROTIV, 0 glasova UZDRŽANO, dobio potrebnu većinu, te je isti usvojen.

ZAKLJUČAK

1. Gradsko vijeće Zavidovići prihvata Nacrt Odluke o plaćama, dodacima na plaću i naknadama u jedinstvenom organu uprave i drugim organima Grada Zavidovići.

2. Nacrt Odluke o plaćama, dodacima na plaću i naknadama u jedinstvenom organu uprave i drugim organima Grada Zavidovići, upućuje se na javnu raspravu, koja će se održati u Velikoj sali zgrade gradskih organa Zavidovići, a čiji termin održavanja će utvrditi Stručna služba gradonačelnika.

3. Zadužuje se Stručna služba gradonačelnika da u periodu od 10 dana, organizuju provođenje javne rasprave putem sredstava javnog informisanja, WEB stranice Grada Zavidovići, udruženja građana, javnih ustanova, mjesnih zajednica i političkih organizacija u kojem će se primati pismeni prijedlozi, mišljenja i sugestije.

4. O rezultatima javne rasprave i pretresu na sjednici Gradskog vijeća Stručna služba gradonačelnika dužna je podnijeti izvještaj Gradonačelnici i Gradskom vijeću.

5. Gradonačelnica će prilikom utvrđivanja Prijedloga Odluke o plaćama, dodacima na plaću i naknadama u jedinstvenom organu uprave i drugim organima Grada Zavidovići, uzeti u obzir primjedbe i mišljenja sadržane u Izvještaju Stručne službe gradonačelnika kao i mišljenja i prijedloge iznesene tokom pretresa na Gradskom vijeću, te će obrazložiti razloge zbog kojih eventualno nije prihvatila pojedine prijedloge i mišljenja koji su izneseni u javnoj raspravi.

6. O realizaciji ovog Zaključka staraće se Stručna služba gradonačelnika i Stručna služba Gradskog vijeća.

Sjednica zaključena u 17:14 sati.

ZAPISNIK SAČINIO

dipl. iur. Dženan Ćatić

OVJERAVA

SEKRETAR GV- a

Samira Pinjić, dipl. pravnik

PREDSJEDAVAJUĆA

GRADSKOG VIJEĆA

Amira dr Hadžić, spec. radiolog